



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-3-40-104-4/22
Datum: 12.04.2022. godine

«Agencija za vodno područje rijeke Save» Sarajevo rješavajući po zahtjevu pravnog lica «TRANZIT PETROL» d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima „TRANZIT PETROL“ izgrađene u ulici Bosanski put bb, općina Ilijaš, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu «TRANZIT PETROL» d.o.o. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije objekata benzinske stanice sa pratećim sadržajima i samouslužne autopraonice, izgrađenih na zemljištu označenom kao k.č. broj 1281/7, 1281/11, 1281/13, 1282 i 1281/1 K.O. Ilijaš Grad, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u dvoplašnim čeličnim podzemnim rezervoarima ukupne zapremine $V=180 \text{ m}^3$ i skladištenje TNP-a u podzemnom rezervoaru zapremine 20 m^3 .
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se oborinske onečišćene vode sa platoa oko istakališta, saobraćajnih i manipulativnih površina benzinske stanice prikupljaju sistemom slivnika sa slivnom rešetkom i kanizacionom mrežom odvede do tipskog separatora ulja i naftnih derivata, a zatim priključe na kolektor oborinske kanalizacije.
 - 3.5. Da se tehnološke otpadne vode sa lokacije samouslužne autopraonice prikupljaju putem slivne rešetke u taložnik i odvedu do tipskog separatora ulja i naftnih derivata, a zatim priključe na kolektor oborinske kanalizacije.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.7. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će

- obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Da prikupljanje, odvoz i konačno zbrinjavanje opasnog otpada sa lokacije predmetne benzinske stanice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.9. Da se osiguraju priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta «TRANZIT PETROL» d.o.o. u Ilijašu, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

«TRANZIT PETROL» d.o.o. Sarajevo se pismenim zahtjevom obratio ovoj Agenciji za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima i samouslužne autopraonice „TRANZIT PETROL“ u Ilijašu, izgrađene na zemljištu označenom sa k.č. broj 1281/7, 1281/11, 1281/13, 1282 i 1281/1 K.O. Ilijaš Grad, općina Ilijaš.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-21-000953 od 02.02.2021. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti;
- Ovjerena kopija Uvjerjenja o poreznoj registraciji donesenog od strane Porezne uprave - Kantonalni porezni ured Sarajevo dana 18.01.2017. godine;

- Kopija Ugovora o zakupu poslovnog objekta – benzinske pumpe;
- Kopija izmjenjenog Rješenja o odobrenju za izgradnju benzinske pumpne stanice i samouslužne autopraonice sa pratećim sadržajima, donešenog od strane Službe za prostorno uređenje i stambeno-komunalne poslove Općine Ilijaš, broj: 05/1-23-1352/16 dana 30.12.2016. godine;
- Kopija Rješenja o okolinskoj dozvoli donesenog od strane Ministarstva prostornog uređenja, građenja i zaštite okoliša Kantona Sarajevo, broj: 05-19-14193/20 DŽD dana 19.05.2021. godine;
- Kopija Rješenja o vodnoj dozvoli broj: UP-I/25-3-40-152-4/17 od 21.02.2017. godine donesenog od strane Agencije za vodno područje rijeke Save Sarajevo;
- Kopija izmjenjenog Rješenja o vodnoj dozvoli broj: UP-I/25-3-40-385-2/17 od 13.06.2017. godine donesenog od strane Agencije za vodno područje rijeke Save Sarajevo;
- Kopija ugovora o isporuci vode i odvodnji otpadnih voda broj: 70/2015 sklopljenog sa JKP „VODOSTAN“ d.o.o. Ilijaš, dana 12.08.2015. godine;
- Kopija radnog zapisnika od strane „DELTA PETROL“ d.o.o. Kakanj o čišćenju separatora, taložnih šahtova, slivnika i odvodnih cijevi sa lokacije Naručioća;
- Glavni projekat vanjskih hidrotehničkih instalacija vodovoda i kanalizacije benzinske stanice sa samouslužnom autopraonicom na lokalitetu Semizovac – Ilijaš, urađen od strane „ES HYDROTECHNICS“ d.o.o. Sarajevo, juni 2013. godine (Knjiga 5.1.) na uvid;
- Projekta unutrašnjih instalacija vodovoda i kanalizacije, elektroinstalacije i mašinske instalacije, urađen od strane BS PROJEKT d.o.o. Sarajevo, maj 2015. godine (Knjiga 2.) na uvid;
- Projekat vanjsko uređenje – vanjske hidrotehničke instalacije vodovoda i kanalizacije, urađen od strane „ES HYDROTECHNICS“ d.o.o. Sarajevo, august 2015. godine (Knjiga 3.) na uvid;
- Dokaz o uplaćenju upravnoj taksi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-104-2/22 dana 28.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

Na predmetnom lokalitetu nalazi se benzinska stanica TRANZIT PETROL sa poslovnom zgradom i sa slijedećim sadržajima: restoran, prodavnica sa naplatom goriva, samouslužna autopraonica sa četiri natkrivena i jednim nenatkrivenim boksom, automati za istakanje goriva sa nadstrešnicom, 2 ukopana dvoplašna rezervoara za smještaj nafte i naftnih derivata i podzemni spremnik za tečni naftni plin.

Oborinske onečišćene vode sa predmetne lokacije prikupljaju se putem slivnika sa linijskom slivnom rešetkom i internom kanalizacionom mrežom vode zajedno sa tehnološkim otpadnim vodama iz samouslužne autopraonice do ugrađenog tipskog separatora ulja i naftnih derivata, te preko okna za monitoring odvođe i priključuju na kolektor oborinske kanalizacije prema načelnoj saglasnosti datoj od strane JKP „Vodostan“ d.o.o. Ilijaš.

Na predmetnom lokalitetu vrši se skladištenje nafte i naftnih derivata u dva podzemna čelična dvoplašna rezervoara ukupne zapremine 180 m³ sa pripadajućom armaturom za rukovanje, praćenje i sigurnost rada i skladištenje TNP-a u podzemnom rezervoaru zapremine 20 m³.

Za predmetni objekat je pribavljena i okolinska dozvola izdata od strane Ministarstva prostornog uređenja, građenja i zaštite okoliša Kantona Sarajevo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa

odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje tehnoloških otpadnih voda i oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

za **Po ovlaštenju
Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- «TRANZIT PETROL» d.o.o. Sarajevo, Bosanski put bb, 71 380 Ilijaš
- ⊙ AVP Sava, ISV-vodna knjiga
- Org.jed. 50
- Org.jed. 40 - arhiva
- Oglasna ploča AVP Sava